

تورک یوردی

ناشری : تورک یوردی

مدیری : آق چوره اوغلی یوسف

۱۳۳۰ صائی ۱۵ ۸ کانون نائی ۱۳۳۰ ییل ۳ جلد ۷ صائی ۷۵

بابر خان

مترجمی: مهالده ادیب

محرری: فلر را آناسیل

بونلر يك ابي شيلر اولماقلا برابر ايلك محاربه فرصتی غائب ایتدیردی
ودشمنلرینك نهرک او بر طرفه کی مغلوبیتلرینی بابر عادتاً المله تعقیب ایدیوردی.
بر کون باش بیطار دیدی که :

— شمدی ده آتارینك آراسنده بر خستلق وار. سمرقندلیرك خدمتده
اولان قیز قاردشك قوجه سی دون کیچه بو طرفه دوغرو سوروندی؛ برنس
بایسنغارك آتی ایچین علاج ایستدی، حشمتپناهك اوچ سنه اول کندیسنه هدیه
ایندیکی حیوان .
بابر همان تلاش ایتدی :

— بن بایسنغارك دشمنلریمك آراسنده اولدیغنی بیامه یوردیم. — صوگرا بر آ ز
دوشوندی — احتمال استیلا ایتك ایچین دولاشان طاشکندلی باباسیله ... نه ضرری
وار. نه دردك ؟

بیطار کولدی :

— ایناندگمی حشمتپناه؟ بن هیچ دشمنلرله یا دیم ایدرمی یم؟ نه مه لازم،
قولاقلرینه پیره قاچسون.

بابر قاشلرینی چاندی، باشنی چویردی :

— ائی بر حیواندی، زوالی !

بر آ ز صوگرا قادینلرک آراسنه کیتدی. احسان الدوله یه، آنه سنه واک
سوکیلی یه حکایه نی آ کلاندى. شدید اختیار قادین سحرالرك بر قیزی صفتیله
حیوانه آجیوردی، فقط محاربه نك احتیاجاتنه اطاعت ایدیوردی .

مانندن بری قالی داها زیاده یوموشامش اولان آنه سی سکونتله آغلادی،
فقط اك سوکیلی بر معتاد، اك جانلیسی ایدی. انتقامله حایقیردی :

— بیطره فلقه آتمالی. زواللی حیوان. سوکرا یکن بایسغاری دوشونکر، حیوانی ناصل سوهردی.

کوزل کوزلر پارلامقله برابر نمساکدی، اوزون اسمر پارماقلری نقش اوزرنده نوازشکار وعصبی صیقیایوردی. قاردهشی کال تقدیر وحیرتله، فقط برآز شهبه ایله باقیوردی. بعضاً الکسوکیلی اونک فوقنده اوزاقلاشیور، قادلرینی آچوب باشقه دنیایه کیدیوردی. اوکا نرهمه کیتدیکنی صورنجه اسرارلی تبسمی ایله: — سن ده بر کون قادلریگی آچاقق کندینه یگی بر عالم بولاجقشک. دییوردی.

شیمدی نوبت وانتظاردن باشقه برشینه زمان یوقدی. کونک ویاخود کیجه نک هر دقیقه می بر هجوم کتیره بیایردی. فقط کونلر کچور، برشی اولمایوردی. وبر صباح ایلك ایشیق نهرک اوبر طرفنده برکیجه اولکنندن کوچوک بر اوردو کوسترییوردی. بوندن باشقه جادیرلرک اطرافنده بر تلاش وحرکتده واردی. کونشک ایلك برتویله درویش محمد تورقاو اسمنده بری دار کوپرونی کچهرک افندیسی نامنه حسن ایله ملاقات ایتدی.

اختیار قاسم کوزلرنده خنچرلرله باقیوردی. فقط رد ایتمک قابل دکلدی. باش وزیر عنوانی طاشیان حسنه مراجعت طبعی ایدی. قاپیلرک خارجنده بایراق یرنده برلشدیلر ومذاکره ایتدیلر. بابرک اوج صادق دوسته استخفاقله نقل ایتدیکی بر نوع صلح یاپدیلر. بابر شدتله مایوس ومتأثر اولورکن قاسمده ییغدیغی طاشلره اسفله باقیوردی.

مع مافیة فرغانه تختنک بر چوق وارثاری دایا اولدیغی خاطرلایارق برآز تسلی بولدی و،

— کله جک سفره، دیدی.

آقشام اوستی استحکامک اکثریتی کندیلرینی بیه جکه ویره رک تسلی بولیو-رلردی. قاسم بک اونلره اوزون بر محاصره احتمالیله پک آزیمک ویرییوردی. فقط بابر وسود قاردائی نویان کوچک تورکستان آتلی اوزرنده اوقلریله آقشامه قادار بیاض کییکلر آلایور، سوکلون اورویورلردی.

آقشامه اوده او قادار بر بسیلی سنی کتیر مشلردی که بابر درت کشینک اونک دورلوسیله دو یاجغنی سویله رک او کونیوردی .

بابرک آنه سی « هر حالده بزم یمکمزه یتیشیر » دیدی . احسان الدوله ایله برابر آشجیلری اولری خاندلادیلر . ائی برعائله « آشقانا » سی یاپه بیلمک ایچین برایکی ساعت صرف ایتدیلر . یمکدن سوکرا حرم ایله سلامغنی آیران کمرلی و بالقونلی و صوفه مسی یرده اوطور ارق سکونتله و سعادتله استقبالدن بحث ایتدیلر . اختیار احسان الدوله هپ فنا تفال ایدیوردی :

— بنم دامادلریمک هپسنه فلاکت کله جک . احمد فنا عادتلرندن کچمکه مجبور اولاجق ، محمودده عینی شیشی یاپاجق . اللهه یالوار سینلر یوقسه ، جزالری جوق بویوک اولاجق .

بونک اوزرینه اینجه دوداقلرینی قیصیور ، برشی بیله یور طور ی آلیوردی . فقط خانم ، بابرک آناسی ، آن سویله یور و قلبی حالا حزن ایچنده بولنیوردی . آرکندن یتاغنه چکیلدی و اونی تعقیب ایدن احسان الدوله اُک سوکیلی یه جوق اوطور ماماسی ایچین شدید تنبیهلر بر اقدی .

بویله جه ایکی قارداش یالکیز قالدقلری وقت بابر باجاقلرینی بالقوندن صاللا . ندرمش اوطور رکن اوده تا یاننه کیتدی . بابر یوکسکلردن اوچوروملره باقغنی بک سودردی . بک قاراللق برکیجه اولاجغنی کوسترن آقشامده آشاغیده کی اولرک داملرینی و دیوارده جسور برآدمک طیرمانا بیلمه سی ایچین فاصله لرله یاپلمش اولان طاشلاری کوره میوردی . داها اوتده بعضی یرلر داها سیاه ، فقط هر طرف کولکه ایچنده ایدی . سرپیلی ییسلدیزلرده واردی : ارضک کولکه لکنده ده قنار کبی برایکی ییسلدیز قیمیلدانیوردی . کوکده کی بو ابدی ، متحول قنارلر ، بویورولماز ، حرکتسز قیرپیشان بروج ، هپسی دونیور ، دونیور . . .

فقط نه نک اطرافنده ؟

— باق ، دییه حایقیردی ، الجبارک خنچری تپه لرده ، بنم تپه لرده چکلمش !
واویله ایدی .

پیتهدی